

Guangjisi Minzcu Bau

ganhhau: CN45-0036 B.2013 Nd.7 Ng.3 liggaueq gveiqceih nienz ndwenngux ngeihloeg

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3080期

Lungzcouh Yen Haj Hangh Cosih Beizyangj Vunzcaiz Saedyungh Saujsu Minzcu Lajmbanj

龙州县五项措施培养农村少数民族实用人才

Daj bineix daeuj, Lungzcouh Yen Minzcuizgiz comz gak loih beizyin swhyenz, daihlig saedhengz vunzcaiz saedyungh saujsu minzcu lajmbanj beizyin gunghcwngz.

It dwg comz beizyin swhyenz, gaihcanj cienz fanghvei beizyin. Cienzmienh lozsis yienh, yangh, cunh "sam gaep beizyin" cidu, cienzmienh saedhengz doenghboux vunzcaiz ginwngz beizyin, lajmbanj lauzdunliz gaj hong beizyin nem lajmbanj vunzcaiz saedyungh beizyin sam daih gunghcwngz, daihlig beizyangj dajndaem, dajciengx, nungz fucanjbini gyagoeng nem ginghyingz guenjeix vunzcaiz.

Ngeih dwg gaihcanj "sam roengz mbanj" hozdung, saedhengz cungdenj beizyin. Leihyungh seizdoeng seizcin daengj seizhoengq, gaihcanj "soengq

vwnzva, soengq gohgi, soengq raeuj" sam roengz mbanj hozdung; gawjbanh denhan, coih giceh, meijyungz meifaz daengj ginwngz beizyinbanh nem raed cingj gomak, dajciengx doihduz, dajndaem byaekgwn daengj gisuz beizyinbanh 100 lai geiz, beizyin 10000 lai vunzbaez.

Sam dwg gyoebbaenz conghyah fuzvudonz, gaihcanj cangzdaiva beizyin. Senj baij conhyez yinzyenz haeuj yangh(cin), gaihcanj gohgi fuzvu nem beizyin, haeuj gyauej reih gyauej naz yiengq nungzminz senhconz gohyoz cihsiz, daengz dieg cijdauj nungzminz, yienhciegz fuzvu, riengzlaeng beizyin.

Seiq dwg baengh conhyez hezvei, doihaeuj coengh daiq doxgyau beizyin. Dingh seizgan cujciz gak hezvei cwngyenz ciuhai gingniemh

gyauhliuzvei, doigvangq gingniemh nem gisuz moq, son gisuz, daiqdoengh nungzhoh baenzfouq.

Haj dwg laebguh "ranzaw nungzgyah", cangdauj gag guh beizyin. Gaihcanj "ranzaw nungzgyah" roengz yangh haeuj mbanj hozdung, youq lajmbanj laebhwnj nungzminz doegsaw yezlanisiz 200 lai aen, miz saw 5 fanh lai bonj.

Daj bineix daeuj, Lungzcouh Yen gonqlaeng laebhwnj 12 aen lajmbanj gohgi sifan gihdi, 25 aen lajmbanj ginghei hezvei, cujciz gaihcanj "sam roengz mbanj" hozdung 100 lai baez, gawjbanh gak cungj lajmbanj gisuz beizyinbanh 200 lai geiz gungh 8000 lai vunzbaez, beizyangj 200 lai boudaeuz daiq lajmbanj baenzfouq.

(Cwnggh Hungz Lij Daz)

SIUSIK DINJ

简讯

● 6 nyied 27 hauh, Ningzmingz Yen Caianh Yangh Lizmwanz Cunh Mbanjbwzsanh(youq dieg henzguk gyawj Yeznanz) gawjbanh aen ciet bofwen minzcu conzdungj. Youq banh ciet geizgan, Ningzmingz Yen gak cuz ginzcung gaihcanj buek hozdung gig miz minzcu daegsaek he, yinx 8000 lai vunz doxgyawj, canghfwen Yeznanz daengj daeuj camgya nem ngonzyawj.

(Cauh Yizganh Sinh Gyahbingz)

● 6 nyied 26 hauh banhaemh, Denzlinz Yen gawjhengz geiqniemh Cunghgoz Gungcanjdangj laebbaenz 92 hopbi "caet • it" habciengq doxdax. 19 aen daibyauidi dai daengx yienh gak bumwnz gak danhvei daeuj haenx camgya doxdax, 2000 lai boux gak cuz dangjyenz ganbu nem cungh siuj hagseng ciengq gogwzming, angqhoh dangj 92 hopbi.

(Banh Sauginh)

● 6 nyied 28 hauh lajbyonghngoengz, Vanzgyangh Mauznanzcuz Swciyen seiq aen lingjdauj banhsuj daiqlingx 150 boux dangjyenz ganbu daengz ndaw yienh Daanh Yangh Gojai Cunh guh "Vanzgyangh gyaunde • mbanjranz heuswd" ngoenz dangj cawjdaez hozdung, vunz lai gyoebrenz ndaem 100 lai go faexmiuz bengz.

(Veiz Giveih)

● 6 nyied 28 hauh, Cunghgoz(Nanzningz • Cinghsiu) fouxlunz baijyienj nem daihcib'it gaiq Cunghgoz minzgenh vwnzyi sanhvahciengj • minzgenh yisuz byaujyenjciengj bingzciengj hozdung youq Nanzningz Gozci Veicanj Cungsim gawjhengz, 17 aen doihfouxlunz dai daengx guk 16 aen swngj, si daeuj haenx doxcomz Nanzningz, doxdax aeuciengj.

(Yiz Sienghczenz)

● 6 nyied 28 hauh, Liujcouh Si Mingzswng Giceh Youjhan Gunghswu cujciz 30 lai bouxaisinh daengz Yungzsuij Myauzcuz Swciyen Ganjdung Yangh Ginjdung Myauzcaiz Siujyoz, soengq 270 dauq daehsaw, swdenj, vwnzgi daengj doenghyienh hagsib nem 200 dauq daiz eij gungh dij 8 fanh lai maenz haenx hawj 270 boux lwgnyez Myauzcuz.

(Lungz Linzci)

Siengcouh Yen Majbingz Yangh Gawjhengz "Mbanjranz Fwencuengh" Eu Fwen Doxdax

象州县马坪乡举行“壮欢之乡”歌手比赛



6 nyied 28 hauh, Siengcouh Yen Majbingz Yangh gawjhengz "mbanjranz Fwencuengh" canghfwen eu fwen doxdax, 50 lai boux canghfwen youq doxdax seiz aeu Fwencuengh dangdieg haen mbanjranz gyaunde, angqcoux ngoenzeng Cunghgoz Gungcanjdangj. Ciuq cam rox, dangqnaj aen yangh neix cingq yiengq swcigih sinhbau aen cwnghueh "mbanjranz Fwencuengh", danghnaez sinhbau ndaej, aen yangh neix couh baenz gih raeuz daihgeih aen ndaej cungj cwnghueh neix haenx. Ndaew doz dwg song boux canghfwen cingq angq eu fwen.

(Gungh Genh ingj)

Yungzanh: Ciengx Nonsei Hawj Mbanjcuengh Fouqmiz

融安: 养蚕增收富壮乡

Yungzanh Yen dieg siuj bya lai, ndawbiengz heuhguh "caet faen bya song faen raemx it faen naz". Lai bi daeuj, dangdieg gaengawq gij saedceij ndaem gosangh ciengx nonsei, coicaenh nungzminz demsou.

Dangqnaj, nonsei moq moix goenggaen gai ok 42 maenz; Yungzanh Yen 12 aen yangh(cin) cungj miz vunz ndaem gosangh nonsei, dieg ndaem gosangh menciz dabdaengz 3 fanh lai moux,

nungzminz ciengx nonsei souhaeuj 9000 lai fanh maenz, neix baenz aen yienh neix diuz roen cungyau hawj nungzminz demsou he.

(Danz Gaijhingh)